

طبع در محل اداره :

همه مال او غنیمت
مندی و غنی حواری
شکول یقوشده
۲۰ نوسو

مشتاقنامه

۱۳۲۶

مسلك زه موافق آثار
جدید مع الممنونیه
قبول اولنور

درج ابدین آثار اعاده اولنور

دیر ، فلسفه ، علوم ، مفروض ، ادبیات تاریخ ، سیاست ، احوال و مشورته اسلامیه در بحث ابد و لغت و ده به نشر اولنور .

آبونه بدلی

صاحب و مؤسسه لری :

درسها داشته نسخته سی ۵ یا ۵۵۵

ابوالعلا زین العابدین - ح . اشرف ادیب

تاریخ ناسبی

قبوله دن مقوا بورو ایله گوندوبلیرسه سنوی

۲۰ عروش فضله آلنور

۱۰ تموز ۳۲۴

منه لکی	التی آیلانی	
۶۵	۳۵	عروش
۶۵	۳۵	روبله
۱۷	۹	فرانکی

عدد : ۱۷۱

۳۳ ذی الحجة اشرفیه ۱۳۲۹ پنجشنبه ۱ گاون اول ۱۳۲۷

یدنجی جلد

وسادتتای تأمین ایده‌های اسباب‌ها، خلاصه بشریتی حال ستمالت و شقاوتدن قورتاروب معاشاً و معاداً اعلای علین ترقی‌یه ایصال ایده‌بیل‌ه‌جک هر درلو وساطتی حاویدر .

قرآن کریم دین مبین اسلامی الی‌الابد حفظ و تأیید ایده‌جک بر کتاب سماویدر... بلاغت و فصاحت عربیه‌نک اے عالی بردوره‌سندن شمدی‌یه قدر میدان فصاحتده مبارزه‌یه هر بلایغ و فصیحی دعوت ایتدیکی حالده ایشه‌اون دوت عصر کچور هیچ بر کیمسه میدان مبارزه‌یه چقه‌مدی والی‌الابد بوحالک دوام ایده‌جکنی بلاغت عربیه‌یه واقف اولانلر یقیناً بیلورلر.. کچنارده اور و پامتفکرین و علماسندن موسیو ادموند دیوردی‌که: غیر مسلم بر کیمسه قرآنک محتویاتنه اینانماز ایسه لوم اولنه‌ماز فقط بلاغت و فصاحتی انکار ایتکه قانقار ایسه پک بیوک لومه معروض قالدینی کبی کندی جهانی‌ده ابراز ایتش اولور. موسیو ادموند بوسوزی خصمه قارشی نه کوزل بر جواب الزامی‌در. بنده‌دیه بیلورم‌که بعض غیر مسلملرک قرآن کریمک فصاحت و بلاغتی ادراک ایتبویده حال انکارده بولملری اهل حقیقتی دوشوندیره‌جک بر مسئله دکادر .

بلکه بعض منتسبین دینک تقدیر ایتاملری پک زیاده دوشونیه‌جک بر مسئله‌در بر کون بر ذات ایله برابر اوتورورکن دیدی‌که: سز مسلمانلر اعجازی قرآنکزه تخصیص ایدیورسکزه. حالبوکه مشهور ادبالی‌ریکزدن امام حریریده ایکی بیت سویلش و دمش‌که بر کیمسه بنم شو بیتلرمی اوچنجی بر بیت ایله تعزیز ایده‌مز، عصرنده بولسان او قدر ادبا و باغانک جمله‌سی سرفرو ایتشلر و هیچ بر یسیده جواب ویره‌مامش دیمک اولیور‌که اعجاز بعضاً انسانلرک سوزلرنده‌ده اوله بیلور. بناءً علیه قرآنک اعجازی کلام الهی اولدینغه دلالت ایتمز، «جوابنده دیدم‌که: امام حریرینک مقاماتنده ذکر ایتدیکی بیتلر شونلردر .

سم سمة محمد آثارها واشکر لمن اعطی ولو سمسمة والمکر مهما استطعت لاتأته لتقتنی السودد والمکرمة

فی الحقیقه بو بیتلر هر نه قدر درجات بلاغت و فصاحتده اے اعلای درجه‌لرده ایسه‌ده بولنره نظیره‌یابان چوق علما واردر. دیمک‌که نظیره‌لرینی ایشتمه‌مش سکز؟ ایشه سزه او طرزده ایکی بیت ده:

مالامة الشعواء فی فعلها « اذل من مجتمعی مائمه والمهر مهدی الی حسن الولا » لیختبلی العزة والمهرمة

باقیکز امام حافدینک لامیه شرحه، بونک یوزلرجه، نظیره‌لرینی و بولنلردن ده بیلغ بیتلر بولورسکزه، آه خاطریمه کلیور‌که بوراده‌شمدی بر قاجانی‌دها ایراد ایده‌یم. طبعی بولنلر ایلاده اکتفا ایدرسکزه. برده جناب پیغمبردن خصمی امتناع و التزام ایده‌جک بر چوق معجزه‌لره آیات یانه‌آر صدور ایتش... دیه جواب ویردم کندیسبی دینسز، متعصب اولدینی ایچون سردایتدیکم دلیللری کمل منوینت ایله قبول ایتدی. مقاله‌مه ختام ویرمدن اول ینه موسیو ادموندک بر سوزی وار اوئی سسویلیوب اوله ختام ویره‌جکم دیور‌که: دیانت اسلامی‌نک روحنی کلامه‌دن غریب دوشنلره سرینه واقف اولق پک چتیندر. فقط کهنی ا کلایلر و حقیقتی

بیلنلر ایچون پک خوش، جاذبه‌لی بر روحدر. اونک ایچون سرینی ادراک ایدنلرک قبلرنده احداث ایتدیکی تأثیری هیچ بر شی ازاله ایده‌مز و هیچ بر وقته‌اوندن انفصالی ممکن دکادر. اوت! فیلسوفک مطالعه‌سی پک زیاده مصیدر ایشه بزه ترتب ایدن بر وظیفه وار ایسه اوده دیانت اسلامی‌نک علویت و مزایاسنی بالعموم مسلمانلره و خصوصاً یکی نشأت ایدن شبانمزه تلقیناتده بولنه‌ملکه روح جاذبه دارینی مشاهده ایتسونلر. و هر وقت حیات دنییه‌ایله متحسس اولسونلر و هیچ بر زمان ایرلسونلر. اوده دیانت مقدسه اسلامی‌یه اصلسز اساسسز بر طاقم جه-لانک تللیس ایتدکری اراجیف و اوهای رفیع ایله حقیقت اسلامی‌تی هر برسوه تفهمدن آزاده اوله‌رق تجلی ایتدیرمکه اولور.

ابوالفضل محمد مأمون

(شیخ سعدی) نک (بوستان) حکایاتندن :

نوشروانک اوغلی (هر مز) حالت نزعده ایکن خلعتی (شیرویه) یه شویله وصیت ایتشدی :

اوغلم! هانکی ایشه عزم و نیت ایله یه‌جک اولورسه‌ک اولواوایشده تبعه‌کک استفاده‌سی اولوب اولمادیغنی دوشون. دائماً رأی وعدالت مقتضای سنجه حرکتدن کری طورما، که اجرا ایتکدن رعیه‌ک دوچار اضطراب اولماسین. ملت، ظالم بر حکمدارک تابعیتندن قاجاجنی کبی کیتدیکی یرده اونک نام ستم اتسامنی نشر ایدر. کیمسه‌نک رنجیده‌دل و آتش قابنک مشعل اولماسنه میدان ویرمه. بر قوج، قارینک نار انکساری بر جنکاورک قیلیچندن زیاده تأثیر کوستریر، نه کیم بر طول قادی‌نک‌ده وریلن قندیلندن بر شهرک تمامیه یا نمانسی قابلد.

دنیا‌ده عدل و انصاف ایله اتصاف ایله‌مش بر بادشاهدن دها بختیار تصور اولنه‌ماز. او تاجدار معدنپرور، حیاتنده تبعه‌سنک حرمت و محبتنه مظهر اولدینی کبی وفاتندن صوکرده‌ده رعیه‌سنک دعاسنه نائیلته کامروردر.

اولادم! مادام‌که انسانلرک ایسی‌ده کوتوسی‌ده اوله‌جکدر. نامکک ایلکله یاد اولونمانسی سنک ایچون اپدی رحیات دیمکدر.

سرکاره کچیره‌جکک کیمسه‌لرک دیندار و پرهیزکار اولمالرینه دقت ایت زیرا ارباب تقوی، مملکتک معماریدر. خلقک مضررتنده سنک منفعتکی آرایه‌جقلر، هم سنک دشمنک، همده ملتک غدوسیدرلر.

ظلم و ستملرندن ایادی خلقی سایه‌توجیه ایدنلرک الله زمام حکومتی تسلیم ایله‌مک پک بیوک بر خطادر.

نقل ایدرلر‌که :

عادل بر بادشاه واردی. لباسک ایچی‌ده، طیشی‌ده آستاردن ایدی. بریسی بوذاته :

— نیچین بویله کسوه‌درویشانه اکنسا ایدیورسکزه؟ دیبای چیندن

البسه یاپدیرسه کز دیدی . بادشاهده شوجوابی ویردی :

— بوقدری تستر واستراحت ایچین کافیدر . فضلهسنه قالدیشیرسه تیزین اختیار ایتش اولورم . حال بوکهن تختی ، تاجی سوسله مک املیه ویرکی آلیورم . اکر قادینلر کی سوسه تمایل ایله یه جک اولورسه دشمنه ناصیل مردانه مقاومت ایدیه یایرم ؟ فی الواقع بنده آمال و هوساتم واردر . لکن خزینه ، یالکز بکا مخصوص دکل ، اعمال مملکت و اعداد قوت ایچیندر .

دشمن ، برکوبلینک اشکنی آلیر کوتورورسه ، بادشاه ویرکی و عشری نه صفتله آلیورده یدر ؟ . اشقیا اهلینک ماننی ، بادشاهده ویرکیسنی آلتجه اوملکته واونک فوقنده کتاج و تخت ده نه سعادت وحشمت قالیر ؟ زبونکشاک ایتک عنایف انسانیت در . قوشار بیله عاجز برقرار نه نک اغرنده کی دانه نی قایمیه نزل ایتز .

تبعه ، میوه دار برانچدرکه حسن صورته باقیایرسه آرزو ایدیلدیکی طرزده ثمره سی اقتطاف اوننور . ظلم ایله مرحتسزلکه اوئی کرکندن قودارمیه چایشامالی انراد ماتک اضطرابنه میدان ویرمه ملی واونلرک انکسار قلبندن چکینه ملی .

طاهر المولوی

امیر عبدالرحمن خان

مابعد :

امیر شیرعلی خان کابل کادی . امیر مشارالیهک (غزنین) ده ورودنده (بامیان) ده بولونان (سردار محمد اسلم خان) عیال و اموالی بیراتوب بلخ ، قاجدی و پدرم ، اتجا ایتدی . بن «سردار محمد اسلم خان» منفسد بر آدمدر ، اوکا یوزویرم ، کز «دیه پدرم» یازدهدهده «بکا مراجعت و دخالت ایله بن بر ذاتی رد ایتک المدن کلز» طرزنده جراب آلدیم .

§

(امیر شیر علی خان) عجمه ملیه اولان معاهداتی نقض ایددرک اوزرینه (زرنگ) لی (رفیق الدین خان) قومانداسنده اولمق اوزره عسکر کوندردی . عجمه ایسه بوقدر قوته مقابلده بولونما یا جانی آکلادینی ایچین هندوستانه کچرب انکلز طوپراغنه قاجدی ، عجمه مک فرارندن صوکرک امیر شیرعلی خان ، پدرم متصرف بولوندینی (کنه داز) (ذرت) (لوکر) مراقبنی تصرفه باشلادی . بوموقبل پدرم طرفندن — کندی پرورده سی اولان — (احمد کشمیری) یه احاله قیلنمشدی . امیر شیرعلینک حرکات واقعه سی احمد کشمیری یه مخالف کوردنیک ایچین پدرمی امیرعلینده قیشقیرتمایه چالیشدی ، (محمد اسلم خان) (عبدالرؤف خان) (محمد امین خان) کی سردارلرده احمد کشمیری نی تأیید ایتدیلر . بونلرک هپسی ده بر طاق منفسد

حریفلر ایدی . بوسیراده ، پدرم بنله کورشمک اوزره خان آباده کادی . یاننده مذکورالاسامی سردارلرده واردی . ورودینی متعاقب امیر شیرعلی خانک مکتوبنی حامله احمد کشمیری ده وارد اولدی . امیر مکتوبده «ترکستان حکومتی سزدن آلمق فکرنده دکلم . سزه قارشی فوق العاده حرمت و محبت واردر» تأمینانده بولونوپوردی . لکن بو احمد — کافر نعمت — بر شخص اولدینی ایچین — امیر طرفندن پدرمک حال و حرکتی تفتیشه مأمور ایدیلشدی .

پدرم ، مشاورلریله مذاکره لر یاپور ، فقط بنی مجالس استشاره دن خارج براقیوردی ، چونکه مخالفلرینک فکرینه اعتراض ایدیه چکم بیانیوردی .

برکون پدرمی «کابلک سردارلری بوراده ایکن اورانک حکومتی قبول بویورک» دییه اغفال ایندکلینی خبر آلدیم . زیاده سیله جانم صیقیلدی پدرم ، «میراتالینگ ولایتی اعاده ایتک صورتیه دوستلغنی قازانمق و بلخ ایله قذمغن عسکری آلوب کابل یورومک» خصله صند قاندرلمش ، میراتالینگ ده بوکا دوندن راضی اولمشدی .

براز صوکرک امیر شیرعلی خانک عسکرله تورکستانه طوغری یورومکه اولدینی ایشیدلدی . پدرم ، بنی نیابة تخته پله کوندرمک ، کندیبی ده امیره مقابله ایتک فکرنده بولوندی . فکرینی چلمک و محاربه دن چویرمک ایسته دم . سزک یرکزه بن کیده یم . یورولاجق اولورسه یم امداده کلیرسکز فقط طالع سزه مساعدداوراما زسه اوزمان بن برایش کوره مهم دیدم .

پدرم ، سوزلرمک طوغرو اولدینی آکلادی و قبول ایدیه جک کی اولدی . فقط باشنده کی فسد : سز کابلک احوالی ده ائی بیلیرسکز و اشراف و اعیان ایله ده ائی مذاکرانده بولونورسکز . افساداتیله ترده دوشوردیلر . نهایت پدرم ، اونلرک رأینی قبول ایتدی . تمیاتی رد ایله بنی تخته پله یوللادی .

§

خان آباد حکومتده بولوندیغ ائاده عسکرک معاش و مصرفی تأدیه دن صوکرک حاصلاتدن ۱۴۰۰۰۰۰ روبیه صاقلامشدم . پدرم ، بو مبلغی یاپدیردینی صندوقله وضع ایتدیردکن صوکرک کابل ایله بلخ اراسنده واقع (باجکاه) ه متوجهاً حرکت ایتدی ، معیتده کی قوماندانلر ذوات آتیه ایدی :

غلام احمد خان ، نائب محمد خان ، کرنیل سهراب ، کرنیل ولی محمد خان . پدرم بونلری بر منزل ایلری کوندرمش و اطرافده کی تپه لری طوتوب کندیبی کلزدن اول حربه باشلامالری اکیدا تنیه ایله مشدی . اولجدهده سویله نیلیدیکی وجهله (غلام محمد خان) ائی بر قوماندان اولغله برابر فوق العاده تبیل ایدی . موقع مأموریتنه واصل اولونجه وظیفه سی همان اجرا ایتیه رک ایرتسی کونه برافدی . لکن امیر شیرعلی خانک (سردار محمد رفیق خان) (جنرال شیخ میر) کی قوماندانلری غلام محمد خانک بطاقتدن بالاستفاده نقاط حاکمینی طوتدیلر و داهالونک